

無懼伊波拉 IT 男赴非跑步籌款

Emily 唔少朋友都會趁假期離開香港旅行。今年 28 歲、本身做 IT 嘅 Alpha，已經 10 年無離開過香港，但佢上年冇揀歐美日韓東南亞，反而選擇同奧比斯去到當時伊波拉肆虐嘅非洲，參與埃塞俄比亞慈善跑，為奧比斯籌款，兼且體驗奧比斯喺當地嘅救盲工作。

本身有跑過香港街馬嘅 Alpha 就同 Emily 講，當地人同香港人都幾唔同，跑步時係會好開心，「好似 high 大咗咁」，會無啦啦圍圈唱歌跳舞。

Alpha 又同奧比斯一行人去過一個窮困農村，佢話當地小朋友見到佢哋派糖同文具時好開心好興奮，圍住派禮物團友嘅小朋友個個都伸手出嚟，但又好有秩序唔會搶。佢仲話比着香港好多小朋友，見到人派呢啲禮物可能都只係會「繼續玩 iPad」，覺得當地小朋友未必有咁多物質，可能會比較有童真。

Alpha 今年 11 月會再接再厲，再去埃塞俄比亞跑 10 公里。奧比斯上年嘅團隊就有 7 個人，共籌到 20 萬，佢哋就話希望今年可以多啲人參加，籌更多善款支持佢哋喺當地嘅救盲工作。

香港呢？

無懼伊波拉 IT 男赴非跑步籌款

Emily 唔少朋友都會趁假期離開香港旅行。今年 28 歲、本身做 IT 嘅 Alpha，已經 10 年無離開過香港，但佢上年冇揀歐美日韓東南亞，反而選擇同奧比斯去到當時伊波拉肆虐嘅非洲，參與埃塞俄比亞慈善跑，為奧比斯籌款，兼且體驗奧比斯喺當地嘅救盲工作。



從事 IT 界嘅 Alpha 今年 11 月會再接再厲，再去埃塞俄比亞跑 10 公里賽。
(鄧力行攝)

本身有跑過香港街馬嘅 Alpha 就同 Emily 講，當地人同香港人都幾唔同，跑步時係會好開心，「好似 high 大咗咁」，會無啦啦圍圈唱歌跳舞。

Alpha 又同奧比斯一行人去過一個窮困農村，佢話當地小朋友見到佢哋派糖同文具時好開心好興奮，圍住派禮物團友嘅小朋友個個都伸手出嚟，但又好有秩序唔會搶。佢仲話比着香港好多小朋友，見到人派呢啲禮物可能都只係會「繼續玩 iPad」，覺得當地小朋友未必有咁多物質，可能會比較有童真。

Alpha 今年 11 月會再接再厲，再去埃塞俄比亞跑 10 公里。奧比斯上年嘅團隊就有 7 個人，共籌到 20 萬，佢哋就話希望今年可以多啲人參加，籌更多善款支持佢哋喺當地嘅救盲工作。